

扶

荔

詞

步荔詞

仁和丁 涉荔園 撰

長洲宋實穎旣庭

選

新城王士禎阮亭

中調

臨江仙

周櫟園僉憲青州署閤小飲

小閣疎簾如畫。新客來身。在滄洲。反騷醉續伴牢愁。先
生託烏有。從事却青州。膽。醜。水。盤。桑。落。酒。爭。看。顏。面。

扶荔詞

風流十三車子引。後漫將公莫舞。翻入謠歌頭。

與芝麓日選材而出

雲橫繡榻都非恒觀

宗鶴問日烏有青州使事雅雋換頭以下風韻生動
以一二成語點染更得化板爲活之妙

寄題施湖西愚樓

昔日愚公曾有谷。竹樓更起洪州宦。遊人盡戀風流。携
榼千日酒。種秫百花洲。樓外蕭灘樓上月。開簾幾對

閒陽登斯樓也。亂雲浮有山官舍裏。巢許亦淹留。

朱荔裳日六十字可

當仲登樓一賦

李湘北日陶弘景朱門紫閣不與山
中白雲登樓歎何愚山真不愧斯語

再爲愚山題就亭

亭子臨江江在望江花江鳥江城春江花月幾多情醉
吟真吏隱不籍浣花名雨過千峯如黛洗凭闌進出
葱青空濛一片畫難成就中渾不解因以命吾亭

幾顧亭曰登江字凡六愈僥風致可稱詞中崔顥
魏子春日意在筆先彷彿山逕人稀屐廊山逕之句
前調又一體

春睡

麝散薰篝金鴨冷玉牀悶倒和衣情騰春夢小窗西柳
梢花醉喚不起鴈鵲歸亂挽柳雲眉不掃畫梁殘日

依依怪他燕子。故雙棲。湘鈞暗下。賺得箇撲簾飛。

王西樵曰。柳塘花醉。三語技。紫竹醉柳。迷鶯更自。猶
賦。劉巨濟。清平樂詞。莫把珠簾垂下。妨他雙燕歸。
京久已。贈炙詞場。不若此。詞湘鈞暗下。賺得箇撲簾飛。翻新一層尤妙。

陳其年曰。帶。應春夢小。窻西。正所謂性情兒。慢騰騰地。

一剪梅

春怨

落盡桃花盡掩門。說到傷春。直到殘春。始歸枝上喚黃
昏。只。管。催。人。不。管。愁。人。杏子輕衫。裊露新。多是香痕。
半。是。啼。痕。春。愁。和。淚。幾。消。覓。減。得。三。分。纔。得。平。分。

王阮亭曰香痕啼痕是一是二三分平分
誰爲作美博士耶箇中人定會心不遠

爲朱人遠題漢臯解佩圖小影

芙蓉江岸楚天長。鴈在衡陽。月在瀟湘。仙源別洞路微
茫。誤却漁郎。賺得劉郎。凌波小襪扣鴛鴦。翠袖生涼。
珠佩生香。行雲何計挽霓裳。去也難將。夢也難償。

毛大可曰桃源艷矣天台麗質俱幻作江臯二女後
身措思宛折詞致繽紛未更入情語于遊戲中倍見
警策

弟素涵曰抄本償作忌意似太露不若仍從舊本作
償字焉永可思不然陽臺台豔至今猶恍如在前
但未知能償夢
肯幾何人耶

蝶戀花

別意

明日送郎湘水曲。聞到巫山。欲倩香魂逐。薄翠不描青
似玉。恐將花艷驚郎目。郎道巫山如黛簇。十二峰連。
爭比雙蛾蹙。一路春山無斷續。朝朝仍戀眉心綠。

王大愚曰。疎落
自喜神似老髯

送春

愁裏送春春莫誤。愁共春來。春去愁須去。難道春歸無
着處。愁邊便是春歸路。愁到而今春亦苦。交付秋風。

不○管○春○無○主○料○得○拋○愁○春○不○許○明○年○依○舊○和○他○住○

沈繹堂曰張仲宗將愁不去將人去歐陽永叔離愁
漸遠漸無窮俱不若蒨園愁邊便是春歸路說得銷
魂

趙千門曰離騷之心南華之趣

初夏

嫩○綠○枝○頭○鶯○雁○穩○羞○帶○宜○男○閒○却○雙○蟬○聲○夢○逐○春○歸○和○
淚○枝○薔○薇○消○得○東○風○恨○眉○鎖○斜○陽○添○薄○暈○初○試○冰○綃○
漸○覺○香○肌○褪○胡○蝶○也○知○春○意○盡○花○鬚○亂○落○輕○黃○粉○

吳璠如日情思新轉却字字是初夏不是
送春幽艷處定非南唐以後人所能望凡

將大瀉日聲采香澤無一字不
肖花間不知溫常何論秦柳

望遠行

別王儀曹阮亭

馬度青門楊柳垂。此去倍堪思。旗亭炙酒與紅兒。教唱
衍波詞。鸚武客。舊裁詩。竹西歌吹休遲。東方割肉細
君知。芙蓉遠黛。照春瓷。回首紅橋渡。灑酒對君時。

嚴顯亭日玉笛春寒秋空
草碧嶺此益增伊人之想

彭美門日東方二語寫得風
致鼻鼻王郎當此應無赧色

鳳樓仙
新譜犯曲上四句鳳樓春
下二句臨江仙後段同

紅橋夜玩

芳樹遶紅橋。羅綺香飄。倩誰招。激金斜颭綠花。翹簾開。
雲母艷歌。授雪兒嬌。趁春宵。倚遍瓊簫。窺人明月。惱
人烏鵲。銅壺又滴花梢。楊州曾有夢。可奈是今朝。

吳梅村目纏綿旖旎燕黃得意
之筆○雪兒雲母屬對新巧

漁家傲

畫眉鳥

消盡輕黃。蛾暈小。一彎石葉。啼粧巧。曾被阿環偷見了。
傳書早。遠山猶帶霜痕。姣。莫向昭陽爭窈窕。十眉圖。
樣分多少。可惜謝娘秋漸老。慵臨照。錯將珠粉和愁掃。

顧見山日咏物詞不妨飛巧却語語是畫眉鳥絕是黃荃寫生妙筆

蘇幕遮

杜鵑

杜鵑花杜鵑鳥鳥在花間血淚和花斗只說不如歸去
好賺得春歸花鳥都知道枕邊頻枝上情一樣名兒
何似雙雙鬧恨不將花團做鳥鳥歇花殘春去多時
梁葵石口太白句云蜀國曾聞子規鳥宣城還見杜
鵑花已爲此詞造端至筆情游戲巧若天在始東方
生郭舍人之流歟

曹顧菴曰花有並頭鳥名比翼此皆天地情緣
得此串合工巧可謂韓憑合抱蜀魄重生矣

鳳銜杯

舊恨和柳七韻

屏前私結今生願。憶不了。當初歡。慙。正生小。俱凝。尋花
小蝶爭閒玩。只避得人前眼。到如今。全不管。恁心情。
風兒吹斷。將淚水。綃斷腸。一紙交伊看。怎推得。無人
見。

嚴頗亭日詞撲情至逼真柳七郎寄語蒨園能無歐
陽永叔之疑耶○祠部少時有自燕樓詩百首流傳
吳下士女爭相採綴以書衫袖發州吳賜如之器有
句云恨無十五雙鬟女教唱君宋自燕樓其爲一時
傾倒
如此

醉春風

春情

春到愁如此。伊寄消愁字。道儂無賴惹春思。是是是。便
不。思。量。思。量。則。恁。那。關。卿。事。愁。思。因。春。至。春。病。由。伊。
致。如。何。只。說。但。傷。春。試。試。試。索。性。都。拋。却。難。分。別。兩。般。
情。思。

范默菴曰：淮海艷章，醉句散落，
青帘紅袖間，盡入詞部奚囊矣。

王阮亭曰：真無聊賴，將奈之何？予戲爲解之。
曰：半是傷春，半憶郎。未識閨中人，肯心折否？

幽期

鈎月光初吐。半籠昏黃霧。只愁芳徑路多迷。起。起。記。
得簷前。鞦韆影裏。倚牆低樹。微近香深處。悄悄無人。
語。鸚哥只管暗呼人。誤。誤。誤。莫便窺窻。恐他姊妹花陰。
闕步。

沈方鄴日。描寫諧戲。似鍾隱倒提。
金縷鞋之類。但覺其妙處可思耳。

月上紗窻。烏夜啼。
新譜犯曲上二句。月中行中一句。紗窻恨下二句。烏夜啼後段同。

冬至

猊毬香細熨紅潮。初雪上梅梢。斜拋雙剪。裁金勝。拭花。
翹。看取釵頭占出內家嬌。唇珠淺約。紅蕤冷。爲誰怯。

瘦盡宮腰繡工一線新添却恁無聊從此春愁千縷倍難消

王涓來日儼然北宋梅溪白石諸君未足擬此
孟詞宗日用添線事至春愁千縷愈翻愈奇

品令

幽懷

手撚相思子。覷瑣閣深難寄。知他倦倚藥欄香裊。感殘
眉翠。九十春光添做百分憔悴。此情知未向伊說從
何起。不如除却今番慢把相思再理。何處安排醉夢。心
裏焚裏。

汪蛟門日寵柳嬌花種種惱人天氣步
得不添作十分憔悴耶○六字疊得好

錦纏道

詆南郡丘曙戒別駕

浩森烟波橘柚南天霜晚鶴磯邊輕帆乍捲一樽風雨
秋江岸楓落猿吟底是傷遊宦暮與客相期散花洲
畔共目送幾行歸鴈待庾樓月上胡床正宜城酒熟搔
首人同玩

周櫟園日一聲落盡短亭花無數遊人歸未得同此深情遠致

行香子

離情

纔住香車。忽過平沙。片時間人遠。天涯。今宵好夢何處
尋他。但一更鍾。三更雨。五更鴉。愁對飛花。怕見殘霞。
別離情。付與琵琶。斷魂江上。吹落誰家。正夢兒來。燈兒
暈。枕兒斜。

尤悔菴曰。一更鍾。三更雨。五更鴉。此屯田所謂
聒得人心欲碎時。跳却二更四更。正見其妙。
解佩令

江州訊吳松巖令君

城臨小別。無多聽事。近瀟湘。弄雨疎簾靜。東帶公庭苦。

相對。督郵清冷。漫爭誇。故人爲令。行雲賦手。善描神
女。早吹來。陽臺艷影。發影清可。釣有槎頭。縮頸趁烟
波。晚樓同凭。

曹澹餘曰。飄揚輕舉。如高柳鳴
蟬。茂林修竹之下。宜聞此聲。

聲聲令

乍見

誰窺孤館倩影。香融悄行來。羅帶怯東風。微聞笑語。佯
羞整鳳。釧橫手撚花枝。斷臉紅。翠水難逢。愁蛾歛。脂
情通繡簾。只合在。牆東。香微。珮杳。莫匆匆。月初濃。拚今

宵立盡梧桐

李東琪曰微聞笑語伴整釵釧嬌憨宛然如畫未語寫乍見情景癡絕韻絕

謝池春

懷賈雲谷令英州

仙令瀆陽何似賈生英妙枕落霞振衣滄島一琴一鶴
行橐寧嫌少任猿啼隴頭雲眇一行作吏此事真堪
絕倒漫題詩桃花爭笑數聲山鷓鴣喚起洞天秋曉望沔
江欲迷歸棹

吳梅村曰何減蘓陸

馮寧生曰風流可挹令人想見潘河陽

連理一枝花

新譜犯曲上五句連理枝
下二句一枝花後段同

送黃大宗歸淮陰

楓冷西陵棹。帆落烟波小。楚天西望。淮陰舊里。當年垂釣。悵歸去。王孫已歷遍天涯。芳草。霜鴈迎寒早。畫閣斜重掃。詞客飄零懷中剩有。哀蟬幽搯。好續水絃休辜負。鳳幃人老。

汪茗文曰丰標逸韻卓爾大雅
填詞至此尚嫌其作柳七語否

兩同心

懷舊和柳屯田韻

舊苑誰家有人傾國。垂楚袖、蝶過東牆。挽湘裙、絮絮飄南陌。最多情、淺蹙雙蛾。暗調行客。一捻輕紅花裏影兒。堪惜。拾雲鈿、草露仍香。轉星眸、柳煙空碧。到如今、枕膩脂痕盡成追憶。

陳其年日影兒堪惜令人可憐香艷乃尔又何減花影郎中耶

梅花三弄 新譜犯曲上三句梅花引中二句一剪梅下二句望梅花後段同

擲筭

背銀燈。促瑤箏。指亂湘絃。心暗驚。此意分明寄與多情。問恨滿天涯。何處只在離鴻第二聲。隴頭流水長城。

雪寒猿叫破巫山月恨也無憑夢也難成落盡梅花就
上冰直恁少忪惺

范默菴曰哀彈南夷頗有吳彥高鼓瑟湘靈之歎字
文叔通云吳學士近以樂府名天下可往求之余于
荊固亦云

江神子

偶見

誰家孌孌畫屏人小腰身怯羅袈梳得牡丹新樣一堆
雲畫裏曾逢樓上見非盼盼卽真真一鉤紅玉踏香
塵月兒痕辨兒新將去裁量柳葉只三分翠袖低翻蘭

窮遠廻眸處好溫存

朱蓼天日一鈎紅玉數語佳絕從遊人量印
泥五字脫出○廻眸便說溫存可稱勝致

隔浦蓮

田居

菰蘆風動款款雲裏藏芹屋
晌夕農事少羔初炙酒方
漉乘興尋樵牧疎林暮罷釣歸山鼠弄修竹蓬門却
許灌園老叟何物秋畦半畝滿眼昏鴉古木一枕松風
牀下菊知足山家清景偏獨

計甫草曰田居風景疎澹盡致遠比坡髯近方麋叟
諸駿男日可入劉峻山棲誌一則

解蹀躞

張使君郡齋聽吳山人彈琴

倚石調絃。趁小雨、竹牕清越。蕭蕭葉下。湘波夜。瀟泐爲
我鼓一再行。分明隻鴈宵吟。溯亭愁別。更情切、低回
玉軫挑燈半明滅。江邊楓落。哀猿抱秋月。莫使調入清
商。梅花幾點。吹來鬢爭如雪。

龔芝麓日筆如秋雨乍飛冬
雪欲灑淅入肝脾不堪竟讀

傳言玉女

偶贈和胡浩然韻

豔舞驚鴻。初試霓裳如雪。謝娘眉嫵愛遠山。愁結旗亭。
非舊。何意重逢京闕。燈宵待約。踏殘明月。同是他鄉。
對離筵。莫歌歇。青衫暗透。被東風。又揭瑤箏。醉荷舊恨。
樽前偷說。分明記得賞花春節。

劉鍾宛曰。周柳
以後無此詞。

千年調

遣興

問汝欲胡爲。先生且休矣。坐上美人名酒。嗟咄何事。五
湖非窄。隨處扁舟。是吾師乎。古之人。鴟夷子。弊廬之

側○非○隱○兼○非○市○若○道○田○園○可○戀○庸○安○人○耳○有○辭○歸○去○且○
傍○南○山○醉○吾○友○乎○古○之○人○陶○徵○士○

何蕤音曰極似溪南詩老
有他年聯袂蓬廬之感

風入松

建業遇宋荔裳觀察

新○亭○啼○鵙○不○堪○聞○明○月○亦○愁○君○烏○巷○衣○冠○江○令○宅○多○換○
取○嶺○樹○江○雲○疎○拙○寧○如○僕○輩○眼○看○裘○馬○何○人○河○橋○殘○
角○擁○行○塵○極○目○楚○天○分○悲○哉○秋○氣○青○楓○下○招○山○鬼○石○竹○
羅○裙○東○郭○肯○容○安○枕○北○山○何○用○移○爨○

嚴顥亭曰明月愁君江雲換宅何限激昂至以羅
裙招山鬼其不合時宜可知真可括全部離騷矣
宋旣庭曰大槐宮裏着貂蟬真覺浮生一夢
吾家荔裳與蒨園固同在黃梁熟後時也

婆羅門引

送河間令夏公乘歸安州用稼軒別杜叔高韻

三○升○可○戀○怪○君○何○事○拂○衣○歸○長○安○冠○蓋○纍○纍○獨○尋○汝○南○
舊○宅○好○共○白○雲○期○念○折○腰○作○苦○岐○路○堪○悲○偏○其○反○而○
風○波○隊○裏○誰○知○須○記○高○陽○城○北○夜○雪○裁○詩○楚○天○鴻○遠○桃○
花○岸○風○雨○送○君○時○應○回○首○片○石○留○思○

沈韓倬曰與幼安離處見今不似子荆之懷南華
洪昉思曰押而字趣甚按稼軒本詞何止刑尹

玉女度千秋

新譜犯曲注五句傳帝玉女下四句千秋歲後段同

情思

的。的。紅。珠。滴。向。靨。尖。么。鳳。雙。纏。倩。冷。長。被。香。塵。擁。肌。消。
羅。帶。緩。愁。壓。檀。痕。重。東。風。怯。幾。回。驚。起。巫。山。夢。我。亦。
憐。卿。追。憶。嫵。眉。常。捧。暗。雨。昏。燈。底。事。懨。懨。重。鴛。衾。香。尚。
膩。玉。臂。寒。誰。共。歡。須。早。他。年。莫。弔。相。思。塚。

范默菴曰入犯處官和調決如坡老撰腔命名不妨自我作古葑園新譜諸詞永基作詞家楷則

一叢花

望遠

長干灘下水蘭橈郎去路迢迢長年只趁東風急偏石
尤不打春潮烏帽鄉人白頭艇子多少是歸期 橋邊
青柳路倚桃金不帶魂消金釵十盡歸將未料無過後
日明朝已是初更燈花難信未必便今宵

尤海菴目通體溫麗與周

美成馬滑霜濃一詞同工

孫無言日本子夜懊懷而雜以精采
後段如聞小窓絮絮曲盡聞人口角

過潤嶽

鸚武洲弔稱處士

雲漲秋墳鄂城白昔之視今亦猶今之視昔晚江拍笳

吹樓船何在。蘆荻依然碧。狗爲操龍氣。千年化松柏。
賦成秋色裏。振袖悲涼當。年狂客灑血寧無益。起漁
陽。斷岸烏飛暮。天虹吐背。容何處。奸雄魄。

李湘北日慷慨奔放似王散

則華林宴上奮臂拍張璠

蘆花雪

新譜翻曲金人捧露盤川反韻

旅感

君不見。敗上車。江頭楫。恁消磨。古今豪傑斷岸橫。流銅
馳不鎖瑤臺。月秋風夜吼。更吹來。楚宮秦闕。嘆人生
能幾何。多半是傷離。別潮橋柳。年年空折。露白園荒。武

陵人去誰家。倚江天。又早塞鴻飛。蘆花如雪。

宋荔裳曰韓冬郎詩云四時最好是三月一去不回
惟少年每讀一過令人骨驚。祠部得意名塲以文章
被謫致鬱十餘年故嘆惜
詔華輒多仲宣流離之感

側犯

貞娘墓

青山埋玉土花洗碧榴裙。點幽咽看松木。吹烟惹飛蝶。
雨凋金盞淨。花撲魚燈滅。香骨伴楓下。狐狸弄秋月。
星前帶露邊眉。早被東風揭。恐魂去。傷衰桃。不敢留啼。
鵝何處。追尋粉肌如雪。斷腸人共清明時節。

高念東日詞家李賀
宋旣庭日翠禽兮弄晚雲笛兮淒涼
卓火傳日如聞其聲如
見其人不止尋常憑吊

山亭柳

贈李湘北赴史館

鶴禁清芬。薇雨玉除新。仙掌露。硯池分。紫袖看移蓮燭。
黃金不換長門。衣染沉香。花氣石葉時薰。垂帷著史。
春鶯老。銅虬子。夜促芳樽。却半臂。耐寒人。窈窕湘東斑。
管淋漓。白練羅裙。常近玉皇香案。袖捧紅雲。

柯岸初日似黃山谷憶
帝京一詞豔麗而有情

千秋歲引

怨情

翠閣留情紅牋寫怨。何物遺君表幽願。玉環雙鳳連枝扣。香羅繡帶同心綰。懷袖間。朝與暮。常依戀。帶欲君情長不斷。環欲君心千遍轉。誰意風流一朝散。玉環摧折香羅裂。人心那得無移換。淚痕非香痕。滅何時見。

許師六日可
補閑情一賦

瓜菜羹

閨怨和屯田韻

密緘輕裁。恁星星。一味驀忽。是暗拋人地。鳥絲欲剪。和
鳳紙。揉將碎。含糊過。翻恨成悲。細看去。都是淚。空階
如洗。梧桐下。愁難寐。私語處。霧濃香細。倩將明月。好夢
兒。憑伊遞。被風吹。直向海天雲底也。知到他那裏。

毛雅黃曰。詞部集中。如眉萼之心。頭念着小字。于廻
忍將伊。咒玉女。度千秋之歡。須早他年。莫弔相思。塚
并此詞之含糊。過翻恨成悲。被風吹。直到海天雲底。
等句。白描生寫。幾于刻髓。饒神善作情語。當推獨步。
柳初新

本意

雪殘。小苑東風住。已放嫩黃初吐。蝶香未染。鶯梭猶澁。

夢穩池塘輕霧最惜纖腰如楚恐難禁灞橋人去翠
閣凝眸低語看春衫半分金縷因風嬌裊柔條無力挽
不盡隴煙湘雨及早和他同倚怕消魂夕陽飛絮

尤悔庵目屯田曉風殘月典故

夕陽飛絮一樣消覓千秋絕唱

陳其年日咏結二語令

人嘆爲歡不早奈何

驀山溪

春閨和陳大樽韻

煖日烘簾睡起拋殘繡衫薄不勝寒乍朦朧楚腰如柳
重開鸞鏡扶起半欹鬟香痕透眉痕瘦都付紅酥手

閒愁慣惹。脈脈頻回首。新種合歡花。愛看他倚殘羅袖。
思尋舊夢。勾引是東風。燈昏候。啼鵲又吹落巫山後。

曹顧庵曰。大樽以才勝。詞部以韻勝。瑜亮並美。未可軒輊也。

周敷文曰。風姿宛綽。荷雲香草。收拾個中。

拂霓裳

歸興寄馳黃

盍歸乎。故園松菊未全蕪。風雨裏。幾人相見在蒲菰。
繫船霜一樹。種秫酒千壺。醉相扶。更歌將水調。荅樵夫。
他鄉信美。青山近。卽吾廬。平生事。但留雙鬢付江湖。任

呼吾作馬誰道子非魚笑當初又何煩叔夜絕交書

范點庵曰極似稼軒
故翁要是不經人道

銀燈映玉人非譜犯頓上五句剔銀燈
下三句玉人歌後段同

定情

石葉眉峯澹鎖更觀入臉霞雙朶將近翻疑欲前還怯
憐煞髣髴對面情無奈怪佯羞半晌臺身剔殘銀
燭憶得曾窺青瑣或恐三生未果夢裏凭肩幾回生
受難道今宵真箇試問伊知麼但低垂無語淚緜緜

陳龍情目難道今宵真箇是極
以幸語喜極反疑情態宛肖

安公子

怨情

容易成佳偶。三生休負爲着些子。驀騰騰地。恁般的。倏
惚倚頑兒。調誘埋冤着人。薄倖忒恣。女兒心性。教我如
何割。他便愁去秋傷止。隨月後。翻雲覆雨。今番只怕
情非舊。料愁眉淚眼。一箇幽歡夢。也不能得勾。

田。錦淵日換頭。作折白隱語。妙甚。惜不令柳七黃九
見之。○令前後二首並玩本色語。如話愈近愈佳。
皂羅特髻

寄恨效東坡體

爲伊瘦損。怕紅消翠減。被人猜着。爲伊瘦損。漸腰圍如削。春來了。爲伊瘦損。春去也。只恨東風惡。爲伊瘦損。怎怨伊情薄。真箇爲伊瘦損。悔當初輕諾。偏道是爲伊瘦損。千行淚。禁得涓涓落。爲伊瘦損。待怎生拋却。

題越州吳伯愁新詞卽用東坡起句

採菱拾翠。傍越殿尋春。清歌徐度。何似吳均。善作多愁賦。浣紗。昨雕欄倚遍。携紅袖。際倒旗亭暮。莫憐眉嫵。恐瑣窗人妬。如聽哀箏夜話。向誰行。幽訴。鴛鴦管。寫烏絲。百尺。待歸去。都付。雙鬟女。紅牙輕按。唱徹愁春句。

洞仙歌

秋意

梧桐月上正玉階初靜。露滴寒漿。牽素綆。倍淒涼。幾陣
嘹嚶。征鴻聲未斷。那管鳳幃秋冷。隔簾銀漢轉。河鼓

無情。惟有姮娥伴。孤另低語問伊行。可記當年。雙星不
幾番折證。但看取羅襦半香。銷辜負了。燈前綠窻人影。

李滄葦曰草堂秋詞如坐西風敗葉中領取十分
蕭瑟合稱部此作讀之真若乍聽驚鴻呬呢天際

江城梅花引

秋恨

佳期春過又秋殘。說今年、更明年。何似西風，偏欲惹愁。
牽海鴈一聲燈半落，向巫山、便爲雲也。枉然。枉然。枉
然。復何言。被又單枕又寒。蟋蟀蟋蟀，汝何苦惱却人眠。
難將心事吹墮到君邊。客似黃花，身似露。誰信道到如
今，直恁般。

余澹心曰：似梨園雜部一折清歌。
然詞曲之辨甚微，要亦本之山谷。

陽關引

秋居簡河陽李子燮王風夜諸子

歸到柴桑境。負郭虛三頃。東枝鵲鴝西枝落，愁何定。念

炭芭載酒難問岷陽逕聽竹扉小雨颯颯驚槐影時藥
歸惟見松廔抱塵甌坐久久陽外山未暝野烟叢處
昏鴉送半牕冷有烏皮兒在長對蒿華凭正俛思舊友
落月覆苔井

施愚山曰如雨香寒翠滴入肌骨

顧九恒曰踈曠幽冷坐臥竹窻想見落月屋梁時

西施愁春

新譜犯曲前段上四句西施下六句愁春未醒後段上五句西施下五句愁春

一吟

殘英小苑露春嬌長袖倚衰桃三生無分一吟也難消
湘裙微展處芳徑滑顫弓腰多應有恨雙蛾頻促怯上

蘭橈 不因偶爾併肩證爭無奈上心苗多情見慣直
恁是難拋弄珠人遠瓊樓何處更吹簫東風立盡夢隨
伊去好度今宵

唐則思目子極心醉史邦卿人若梅嬌一闋溫柔綺
靡真如本詞所云無魂可銷矣讀此詞至三生蘊分
及換頭以下幾于目炫神搖
又豈芙蓉春曉句所能過耶

狄荔詞

仁和丁 澎葑園 撰

嘉善曹爾堪顧庵

選

武進陳維崧其年

長調

滿江紅

寄吳錦雯時司李端州

枕柳亭畔。西風起。幾行雁字。正江樓憑欄。孤眺玉山初紫。
雙鬢且消梧水。月一樽不換涼州。史笑從來手板對人低。

而今始論宦跡。原非志。稱吏隱。誰言是念世態浮沉。
但須如此。美醞三升。差足戀。不然腰折。緣何事。再不然。
向舊酒壚。傍尋吾子。

曹顓庵日寫出吏非吏。隱非隱。與世相隨。妙用移贈他人。不得撲齋葑園雅不愧知已。

孫宇台日酒壚雖在邈。若山河讀此不啻吹笛。山陽令我益增西州之勸。不然。再不然。古交跌宕法以此行詞自爭奇勝。

題尤悔菴畫像卽用原韻

玉映風標。看濯濯有如春柳。愛吾廬投竿磯。清漫同漁叟。
勾漏山中。九轉滄浪亭畔。詩千首。問年來。松菊可曾荒。

君日否 有司馬凌雲手更繚衍譚天口總不如歸前
潮陵偕嬾客到任看牆外竹獨吟且盡牀頭酒憶從前
裴馬少年場同弔狗

異芝麓日風致恍爽情詞
淹雅何減淵明歸去來辭

尉遲杯

幽期

待約燈前除際庭畔衣動恐驚棲鳥蟾影如鉤柳烟初
卸莫是此行還早尋遍海榴花下香泥印痕小須知
道想腰支不勝苔滑情緒懶未必芳心難料星色生花

猶似凝眸一樣波。偏只待伊來訴幽情。幾許煩惱。但冰肌月下。寒透。忍禁偎抱。

王西樵曰。潸潸等等。寫驚疑惘恍之狀。可謂活脫。周清真矣。末數語似恨如憐。非却半臂忍寒人。何能道此。

合歡 新譜犯曲上五句。萬年歡下五句。歸朝歡下段同。

情思

歷損春山。憶畫眉人去。何日重見。似雨非雲。團就夢兒一片。想從前未慣。分明說與鶯和燕。問天涯那人消息。何似隨春遠。只是今宵。有幾多離恨。沒箇方便。料得

伊○行○也○索○平○分○一○半○又○愁○他○瘦○減○將○儂○小○字○千○迴○喚○還○
裏○情○海○枯○石○爛○怎○把○伊○心○換○

秦留仙目深情語不難婉戀而難寫筆
讀此真有霜衣夢冷風輪景曼之泣

玉漏遲

五月寄沈繹堂憲副

琅玕吹苑雨○又逢佳節○新蒲初剪○彈指韶華○目斷潞亭
春鴈料是休文帶損○洗穠枝琥珀光○浮鶚酸○凭闌倦有
誰相共○莢笙葵扇○此日楚客歌騷○奈僕本○愁人采絲
空撚○凝睇湘君蓉珮○香徵人遠○頻向使君索○咏休耽謔

玉池鴛鴦管簾乍卷穠陰正移庭院

嶺上庵日杼寫幽澹深得騷人之趣如玉
環島浴華地綠珠探蓮洛浦飄乎仙矣

夢揚州

邗上逢王考功西樵

公言愁愁未了我始言愁總是愁城何日破除方休吳
市裏酒徒落鬼王生召我爲儔桓野笛楊惲金井呼鼓
史岑牟同作南冠楚囚各相對唏噓亦復何求散盡
千金一劍剗緱空番歌相樂也因而沈忽銷磨短髮盈
頭只落得兩人白眼共醉揚州

曹顧菴曰僕與福部俱從永天雪窖中磨鍊而出有
甚於退之潮州東坡僇耳者辨此隙壤庶不使韓蘇
笑人
寂寂

陸盡思曰一往情深如組如
舞翳洗馬渡江有此意緒

水調歌頭

少年

紫陌香塵起。狹路少年遊。連錢寶馬珠勒。柳外擲吳鉤。
望見倉琅青漆。不問君家。誠是隨意脫羈裘。浪說張公
子。調笑犖然。翠猊燼銷。蟬落暗。凝眸櫻桃花底。沉
醉低語問歸休。郎在金明池上。妾住善和坊裏。相去十

三樓鳳燭嫌宵短。不信有春愁。

黃雲孫日韓香董福拂拂

上不待曲終轍嘆奈何矣

宗鶴問目章郎樓下謝女城南正是銷魂無
盡若東坡詞必說同再來何處便尔索然

與吳瑞如郡守金昌亭對酌

吳市酒壚在。誰道遯山河。馬曹不問何事。安用惜顏酡。
呼我將奴擊缶。更命紅兒行酒。相和以爲歌。一石亦不
醉。十日詎云多。醉鄉裏無人到。少風波。一杯身後何
有。劇飲尚嗟蛇。除是酒泉太守。再調宜城錄事。臥治亦
南柯。富貴浮雲耳。醉酣奈若何。

姚龍懷日昔阮步兵終日沉醉似不能一刻忘此味
雖云好飲實有不得已之懷不然醉鄉侯豈足羨哉
宋荔裳日淋漓痛快如讀孔北海難魏武禁酒
曹子有句云新築糟丘號酒民亦與此同意

別鄒訂士

相見十年後狂客盡蕭中屈指使君與僕時數論英雄
我道窮如元叔君道愁如洗馬慷慨兩心同莫唱公無
渡挂席正西風裁金纈翻象拍酒初濃紅衫窄袖起
舞低唱做伶工昨日吳頭楚尾明日伯勞飛燕今日莫
匆匆我去君猶在獨步任江東

吳梅村日思君出漢北鞍馬登楚臺
辛尔離別正見豪氣此詞足以繼之

高陽憶舊遊

新譜犯曲上五每高陽臺
下五句憶舊游後段同

冬夜同沈太匡嚴顥亭顧且菴邵戒三嚴杜峯諸

君飲關六鈴草堂卽席

滾滾諸公浮沉京洛酒鑪何意重開浪跡人間休論野
馬塵埃玉堯低映銀燭檀板更相催任謝眺長吟陸雲
長笑庾信長哀蕭蕭木葉重階念物猶如此何以爲
懷蹴踘吹簫不妨偕與俱來今宵莫問明日且覆掌中
杯看漫天飛雪銅駝金谷安在哉

張祖望曰從來良晤最難古人每值歡會卽繼以哀
思蕭蕭廣殿陰雀聲愁北林是飛濤銅駝金谷結語

意然則何以
慰此憂心耶

漢宮春

朱父

此夕何時未三更還是舊年華髮韶光暗度怕聽明朝
烏鵲東風未透故園梅肯舒新萼莫怪唇蘇傳遍飲來
遲他鄉杯酌幾處笙歌芳閣憶燈前兒女椒盤如昨
鴨爐煙燼漸逗春衫香薄強扶守歲耐燈寒翠鈿斜落
到不如早去尋眠休教夢兒閒却

郭程村曰起三句亦尋常用意耳却令人尋味不置
下語之妙若此○句句是異鄉除夕天涯兒女淚痕

多可增浩嘆

毛稚黃曰結句極是無聊賴語翻高常侍詩更添新
警詞部嘗有長安除夕句云白髮新年事黃昏隔歲
人乞糴並糶

聲聲慢

送別

別離情味從前輕擲今日且待如何好教垂楊一枝挽
住鳴珂可憐慢亭別酒價真珠不換顏酡凝眸處便幾
年秋草兩地烟波好把相思打疊這柔腸似縷何計
消磨馬首霜濃路滑偏我愁他如今魚沉鴈杳驀地常
自在心窩淒涼也便怎生忘了人呵

光海庵曰此種詞惟也田待制能之詞
園得其風神夫其配俗遂高昔人一籌
徐電發曰何句是情深語抵唐
人多少送別詩○柔腸宛轉

秋夜和李清照韻

梧梢掛月繡戶生寒西風又添愁成病與秋深一縷慙
慙氣息簷前琮瑤碎玉更空階蟲聲暗急撇得我恁憊
悴自己鏡中難識夢裏分明歡笑香肩凭顛倒髻釵
偷摘忽被風驚倩影和燈吹黑又是打窗微雨向芭蕉
葉上頻滴飲着枕把淚兒搵住怎得

王阮亭曰通真清照和燈吹黑匪夷所思把淚兒搵
住怎得婉曲盡態若史梅溪將淚揩磨不盡轉覺太

露矣

宗悔岑日自巳鏡中難識湯臨
川安得不嘆淹淹惜惜杜陵花

夏初臨

招隱

若○有○人○兮○南○山○之○下○
叢○篁○以○築○居○兮○芳○草○悠○悠○
王○孫○胡○不○歸○兮○臨○流○可○鼓○枻○
兮○舉○蘭○旌○以○浩○歌○兮○白○雲○在○天○滄○
波○何○極○欲○往○從○兮○北○渚○辛○夷○
西○堂○蟋○蟀○峨○眉○獨○處○私○
自○憐○兮○猿○驚○鶴○怨○山○中○難○久○
留○兮○我○所○思○兮○望○潯○陽○暮○
與○朝○兮○悲○哉○兮○露○白○楓○青○
歷○九○秋○兮○

魏子存日括盡離騷江鮑華未世韻頌

王鳳夜日結語婁雋悲秋一賦俱從此出

新鴈度瑤臺

新譜犯曲上五句新鴈過柱樓下六句瑤臺第一層後段上六句新鴈下同

歸里過訪張祖望從野堂率贈

胡不歸哉喜仲蔚蓬門客到長開茅簷月出數灣渌水
縈洄此君誰伴離邊還種老菊疎梅惟此事便一生足
濁酒三杯自稱州波釣叟泛溪南小艇獨與予偕
紅鱗網得白墮方沽紫芋初煨聖臯亭如帶平橋外人
醉蒿萊漁蓑侶向五湖爭長終讓子翬

姜定庵日滄波浩淼竹煙花
氣中若有張翥呼之欲出

雙燕入珠簾

新譜犯睡上及句雙雙燕
下五句直珠簾後段同

題王丹麓聽松軒圖像

層軒半落偏近沼。依雲倚闌孤眺。披襟謾謾隔水笙簧。
幽窈孫綽庭前陶令宅。秋枕上數聲清曉。堪效似黃庭。
慣寫君家逸少。把鏡王濛自照。美斯人宜置海山蓬。
島輕陰滿地洗耳科頭都好。一曲樵歌三弄笛儘消受。
斷鴻殘蓼應笑念幾度悲秋著書人老。

胡勵齋日冲夷雅淡在
戴石屏葉夢得之間

瑣窓寒

東風

誰遣伊來薄幃輕透。惜人情緒，偷送春光，巧逗眉心一
縷。怪東君着意相尋，黃昏滿院，催紅雨，更入柳，非煙弄
花無影，斷腸何處。憔悴防人恨，偏瘦惹梨花，香翻燕
羽。墻頭馬上，剪剪輕寒乍起，暈紅酥，漸逼羅襟，盡樓垂
手。人如醉，倍愁他，慣引消魂，賺盡傷春淚。

嚴顯亭曰：蘊思溫厚，山之
古蹟銷魂之語，正不在深。

彭美門曰：人柳非烟，數語與柳初新，怕
銷魂夕陽飛絮，每一吟死，教人怎生。

繞佛天香

新譜犯曲上六句繞佛
閣下四句天香後段同

祝姚江維極父禪師初度

茅菴小築疎梅幾對能伴幽獨無生晤速長齋繡佛前
身是金粟經翻貝葉清磬裏蓮根似浴微笑拈花儼然
是先生天竺染翰恣繙竹慧業文人更清福坐老蒲
團空階秋草綠映不染禪心一枝芬郁誰道仙子塵凡
料堦率蓬山任歸宿花雨吹煙團成香玉

弟弋雲曰師出越江望族穉歲棲真頓悟玄旨妙言
清雋尤工詩詞予摘其山居云數椽茅屋松竹引啼
鴉爐暖自烹殘雪扶筇終日對梅花咏梅云春來了
鶯來了冰解霜枝小萼新姿巧聽雁云擣衣聲起家
家聽不盡西澗芭蕉送雨家兄嘗稱其涉筆蕭疎已
人詞家三昧自是蓮臺上品清照數玉輩曾何足云

念奴嬌

送梁光祿葵石赴補之京和蒼巖宗伯原韻

征鞍乍整。徘徊分手。驛橋楓葉十載。霸陵高臥。穩戀
闔。此心常北。玉勒朝天。金門據地。雙眼今還白。笑看賄
室。莫教展齒輕折。漫說五嶽堪遊。二疏同去。拂袖勿
勿。別大隱君門。誰得似。煮就芝田丹石。揚子休嘲稚圭。
莫謂早定千秋業。叮嚀猿鶴。疎林依舊霜月。

吳蘇村曰。北山移文。可以不作。此上東門一幅彈冠圖也。

尤展成招飲草堂。同陳其年。彭雲客。宋旣庭。御之。

席上分賦

木蘭庭榭。值主人招客。月弦春仲。寒食東風。開小苑。共
傷曲池觴詠。柱史仙才。元龍豪氣。更有悲秋宋。佳辰難
再。勸君痛飲。須縱人生聚散。何少年走馬向銅街。
爭控而今。齊溷酒徒中。恍慨樽前如夢。市上吹簫。城頭
擊筑。再鼓漁陽弄。揮杯未落。飛花亂撲。春瓮

曹顧庵曰。北馬悲筵。不堪回首耳。熱歌呼
止。許吾輩領畧太尉低唱淺斟。直是簞食。

和漱玉詞原韻

沉沉小院。任梨花冷落。一春長閉。病入眉尖。紅一抹。不

斷如絲。微氣口裏含酸心。頭帶苦。可似青梅味。那知薄倖。惱人故把書寄。最是雙雙燕子。巧語雕欄。少箇人同倚。枕畔樽前。都是夢。往事總休提起。爲恁香消。因誰帶滅。難道無情意。待伊試問。只愁明日還未。

孫嘉客目宛折極情押韻處復字字奇雋和漱玉此詞者名作如林不得不讓藹園獨步

石州漫

春暮

幾許春光。殘紅數片。游絲牽漾。可憐似我。冷香墜粉。今生虛枉。爲誰瘦損。枕邊檢點。鮫綃裙。襯不似前春樣。着

意問東君肯把儂輕放。惆悵鶯聲漸老。午夢初驚落
釵空響。倦起不勝梳髻。鏡臺斜傍。暫時消遣。枝頭數遍
青梅香。痕暗。眉尖上。胡蝶却飛來。又低頭半晌。

梁蒼巖曰。情意深婉。如泣如訴。少游有倚窓
人在東風裏。無語對春開。正是此詞。休態。
宋荔裳曰。絕妙好詞。
當令二八女郎歌之。

氏州第一

旅興和清真韻

驛路斜陽。秋空似洗。一點楚天鴻小。短劍星塵。弊裘霜
袂。掩映落楓飄渺。馬怯危橋。疎髯影暗。驚孤照。纖錦空

成。恐。教。辜。負。玉。關。人。老。旅。店。鴉。啼。行。跡。少。皆。對。裏。疎。
星。猶。繞。羣。簾。鷄。聲。繩。牀。蝶。夢。都。是。閒。愁。抱。奈。僕。夫。強。解。
事。也。索。向。當。壚。調。笑。酒。薄。難。醒。月。初。斜。梧。桐。已。曉。

曹顓庵曰吾兩人老於道途白眼人多黑貂自嘆曉風殘月時讀之哽咽不禁情生於文矣

嚴顯亭曰約園才清風調不減長卿而所至倦遊雅非其好嘗見梁蒼巖宗伯贈句云彈鋏荒城事可憐蓋亦有所感耶僕夫數語曲盡客途瑣事可爲解頤

畫錦堂

初夏洪畏軒延尉葦堂初成卽事

花撲彫簷鳥窺青瑣畫堂小築初新槐影沉沉向午何

限佳辰。宅似嶼陽多貯酒。閣因仙史半栽芸。更堪戀清
簾疎簾。坐來迥隔紅塵。幽芬玉瓷滿春韭。細誰嫌揚
子官貧。況有絳紗名俊。斑管才入鵷鵠。頗能嘲熱客。櫻
桃常摘。佐芳樽。休沐罷笑解簪裾。高咏竟夕娛賓。

揚自西口賀詞難其簡質乃
尔是集中典會陶然之作

瑞鶴仙

賀魯紫漪舉子兼遊茅山

謝庭花似雪。正湯餅春餽。蘭芽初茁。珠生甫。彌月漸能
指之無覘。爲英物誌公笑。曰。恁寧馨此兒佳絕。更何須。

醜面。癸花。洗出。天然。紅白。奇突。前身。金粟。天上。麟雛。
珊珊。仙骨。彩幢。遙列。向。茅山。道士。說。問。之。子。何。來。君。家。
玉。斧。原。是。此。中。瓜。瓞。美。他。年。彪。固。蘭。臺。無。箇。優。劣。

徐敬庵曰丹葩夜曜碧
草秋陰方是此詞佳境

水龍吟

和宗鶴問送歸原韻

與君分手匆匆。且聽。恍慨。樽前。語。寧。如。閨。閣。上。流。作。別。
女。兒。絮。絮。花。鳥。關。情。英。雄。無。淚。偏。于。此。處。但。故。園。鶯。老。
疎。籬。竹。嫩。春。釀。熟。須。歸。去。風。雨。隋。宮。蕭。瑟。垂。楊。裡。暮。

鴉終古依依。歲月傷心多少。猶如此。對故人。携酒離迷。
欲斷竹西歸路。奈星星短髮。不堪牢落。作衝冠怒。

俞夢符曰。故園鶯老。疎籬竹嫩。足以
遠歸之思。真不異陶潛三徑松菊也。

綺羅香

燈夕立春

春到何遲。辛盤未試。人日數來。今七。此刻纔過。已是十。
三。燈夕。梅梢上。初透三分。漏聲裏。頻催千滴。問良宵。斜。
把銀缸。眉痕淺處。尋消息。彩勝壓金么。鳳共。前燈。連。
理。雙雙。堪惜。象管。鸞笙。檀口。玉葱。齊炙。瞻光度。正照。蓉。

別人影亂鬢橫。釵隻紅豆。子戲結羅巾。將同心暗繫。
將大鴻曰讀起手數語疑此亦新園居東時所作。歲
暮石荊屈指傷懷無聊追憶羅綺叢中舊事。杳不可
得其黃梁。槐陰乍醒時。語不
然豈向司天臺作算博士耶
宋旣庭曰僕每當此際輒嘆奈何
際尋春非深千婉變者何能道此

花心動

歸遲

薄倖歸遲。故匆匆。佯羞醉倚庭角。力怯難扶。已盡黃昏。
誰與西樓密約。鸞華翠袖爭留戀。宜消受。眼前離索。更
無奈。燼冷薰篝。燈兒半落。底事朦朧。負却任假語惺

惺心頭拖沓料可意人千種溫存多少風情片霎香羅
脂結訶梨子玉腕上脂痕一搯分明是此情被儂道着
周宿來日極其嬌範何
異紺蔥初嫩顏爾始滋
邵呂夢日極寫嬌媚情態宛然一慧心女子向小
窓中喁喁何必讀安得一心人白首不相離也
永遇樂

賀梁玉立尚書新婚

錦幄花明蘭缸風細佳期今夕何處吹簫采鸞天上雲
擁芙蓉碧春卿繡衮司馬蟬貂交映玉釵新色畫屏人
夕香晨照都付鳳池仙客
良辰正及重陽時候艷奪

雙星瑤席鏡壓紅黃釧翻紫菊疊作鴛鴦翼東山絲竹
栗里琴樽添取畫眉芳筆年年是羈陵秋鴈雙飛湘瑟

龔芝麓曰溫柔

細潤周柳之遺

徐立齋曰前段華腴後段雋逸范其

異色在錦地文席繡柱鴻筆之間

過秦樓

吳蘭次郡守碧湖元夕泛燈分賦

京日地接雄川秀鍾浮玉月中鵲火星始勾芒臨
水泛舟風物依然荆楚散花奏樂燒燈宛若化城
故豔吐九微先掃太液池間百子迥出蓮華弱水
金低自有沙棠之對瓊鉤半上疑在葡萄之宮海
刻燭佳辰難逢柳惲此水嬉勝賞執繼樊川我吳
興郡守吳公蘭次玉局名家金門仙客東方千騎

行春陌上之系北海雙樽照夜前溪之綠鳥程
酒詎止十千蟾魄清宵正當三五百枝交鎖似從
漢苑後來二人遊盤酌是東宮舊事正上元之淑
景快懸燈之夜遊絲竹競鳴羽觴無筭士女駢集
畫舫環來銀花乍合如分芳藪之香青翰中流爭
漾芙蓉之色使君愛客何妨坐上調筆仙侶同舟
更見佳人拾翠琉璃鏡裏醉吟長生塢鵲屏開城
如不夜旣鼓橫塘之櫓承荷歌來欲奉湘浦之釵
弄潮歸去何水部之香花齊開淡底庚元堤之明
月何心樓中先倚袂以臨流卷淚不殊曲水前接
離而騎馬岷山原是襄陽則宋德水輪自有我詩
崔液將銅華金紫可無獻賦江淹爰成郢客之吟
共和秦樓
之唱云爾

太守風流栽紅摘翠點就玉湖妍景畫船載酒綉幕
生香送素波千頃對杪幾隊燈紅鵲飛來驚樓難定

看銀蟾一色。藍珠宮裏競搖波影。暢好是皓魄初圓。
青樽浮滿。畫裡江城如鏡。六街簫鼓。蘭漿齊開。釵色珮
聲交迸。良夜試問如何起。視參橫。虬壺未冷。休更把紫
雲低喚。紅粉兩行嬌並。

曹顒庵曰。小序掩映玉莖新詞韻。旗蘭曉風流。太尉
翰墨才人。同開鴻鵠之屏。長作珊瑚之架。爲樂未喻
艾也。必曾共在斯乎。

陸吳州曰。山水光中。銷魂無限。晁無咎云。

古苔溪閣。盡如在。又何必腸斷他年耶。

御帶垂金縷。

新譜紀曲上。去句御帶花。
下五句金縷曲後段同。

飲巖顒亭。臯園聽白下莊蝶。掩彈琴。

小山攢翠。清波遶。負郭都栽桑柘。漁簑載酒。見竹籬燈火。居然村舍。更何論。尚書綠野。提鼻東山。猶未免笑。吾儕早結耆英社。但觴詠。共清夜。客抱琴來。深剗裏暮雀爭喧。煙景如畫。冰絃乍拂。似楚峽猿吟。秋風葉下。正小雨。竹窻清話。傳語諸君。須少住。聽壽衣一曲。多瀟灑。鼓琴者。莊生也。

施愚山曰。章法遶後得古文序事體。而層次幽折。極似堯源。桐川諸記不意於真詞中見之。

風流子

送窮

歲庚如月、朔、酌君酒、好去莫蹉跎、念處世無令阮公所
笑、爲文不免季緒之訶、惟君故、便領顏佐僚、壯志盡消
磨、形影相依無如我、篤交游、割席孰與卿多、匆匆君
行矣、任浮沉、相共傷、鼠涎螭須向魃、無人地、鬼島蓬科
更欲送君天上訴帝、如何除爲欄、衡、撾爲包胥、哭爲漸
離、筑爲魯陽戈、君其擇焉、予且倚瑟而歌。

錢武子日送窮不爲憤激語却自
蘊藉若揚雄韓愈未免習氣未除

霜葉飛

冬懷

玉階霜。檄瑣牕外一枝斜。弄寒月。錦江春信，託修鱗，奈
采牋空折半。記得羅衫穩貼，舊時衣帶，雙鴛結他，燭付
頻頻。不道是、嶺梅重放，異鄉猶客。料得香秋芬鞞團
雲貼。領此際薰篝斜疊，多情知否，在蕭關對玉缸低說。
正旅館擁衾如鐵。夢回猶殢交河雪。憶當年同綉被，燼
冷香猊，何如今夕。

陸梯霞日黯然消魂抵多少江淹別賦多情如飛濤應有銀閣迷苦玉梯骨網之痛
賀新涼

塞上

苦寒霜威冽。正窮秋金風萬里。寶刀吹折。古戍黃沙迷。
斷磧醉卧。海天空濶。況毳幕又添明月。榆歷歷兮雲滅。
城只今宵便老。沙場客搔首處。鬢如結。羊裘坐冷千。
山雪。射雕兒紅翎欲墮。馬蹄初熱。斜彈紫貂。雙纖手。柳。
罷銀箏。淒絕。彈不盡英雄淚。血莽莽。晴天方過雁。漫掀。
髯。又見冰花裂。渾河水助悲咽。

尤悔庵日激昂。凄壯似曹景宗挽霹靂弓。生飲黃偉血時。

陳其年曰。裂帛一聲。紅珠迸碎。我讀之便覺耳後生風。鼻端出火。

沁園春

采石磯題太白祠

采石磯頭宿莽之間有謫仙亭呼酒人或出半江月白
宮袍如在數點峰青玉毀傳來夜郎遷去長使人間怨
不平更勿論向沉香倚恨夜色華清古來飲者留名
但搔首青天笑獨醒料鄉來長醉未應有我我今獨酌
何可無鄉花撲鷗瓷星稀鷗岸多是騷人移我情然歎
否正寥寥千載問箇分明

曹顧庵曰沉香捧硯以來乃有夜郎之謫作者直是青蓮後身不妨引爲知己

爲卓火傳甥題傳經堂同曹顧庵學士作

代易時移歸哉斯堂肯構依然美書攤百卷爭如畫錦
庚稱萬石寧取三鱣帳裏香芸堦前帶草臨水依塘只
數椽君家學使田何轅固比室摩肩園林梓澤荒煙
惟綠字丹文信可傳看充宗有角終慚嶽嶽孝先之腹
任爾便便戶映紺青閣銷爇火甥也寧云似舅賢休如
僕但與書不讀白晝長眠

方邵村曰語語典
型詞中之箴銘也

庚魚兒

歷亭寄程周量舍人

臂接遲鵲花橋畔。幽亭斜抱衰柳青。裘如結水鬚折。惟
有一瓢依舊君信否。滄海外仲連少。伯皆吾友眼前何
有任。濯足滄浪披襟明月。誰識灌園叟。寧做誕懷刺
羞稱下走。共笑丈人病瘦蛾眉嬾鼻雙。瓷引聊可當爐
消受。拂長袖煙霧裏。鳳池仙客應搔首。具櫺在手向趙
尉城邊。陸裝垂橐歸去。貯春酒。

史立庵日浮沈起伏若游龍。戲春
泉直上九萬里。殆古龍雲之瑞耶。

法曲琵琶教念奴。新譜犯曲上三句法曲獻清音中
四句琵琶仙下五句念奴嬌後段

上四句法曲中二
句琵琶仙下同

長安元夜

帝里繁華勾欄酒市銀燭清光如畫雕鞍並掛流蘇香
車出紅袖倚光帽鶯翎斜擲五明障鸞頭鋪繡夜靜天
街御橋月映笑語同携手洞簫何處霓裳第一先奏
休辜負看星毬蘭膏明滅宮漏永一派笙歌時候鬧隊
子承豐坊裏多少是梨園行首拾翠歸來釵橫鬢亂爇
玉釵綃透重挑紅燂太半只醉春酒

梁峇巖日如見開元天寶盛
時事可補大晟樂府所遺

玉女搖仙珮

望春樓故邸

青州城裏帝子珠樓縹緲五雲深際繞柱蛟鮪穿簾玳
瑁舊是繁華朱邸誰意同流水見移花月檻落榆鋪地
玉階外鳥聲呖雨洗遺鈿數點空翠何處鳳簫聲暗
想當年玉容同倚樓上望春如醉風斷窻紗燕子銜
將花蘂闌草踏青船陽人去冷落鞦韆佳會飛絮連天
起笙歌杳不道岐王故第祇見得空梁蛛網粉墻蝶鬧
但餘幾點看花淚不如把鳳樓長閉

張素存曰當與老杜華清宮
詩並傳六朝金粉未足擬似

陳其年曰：津陽門外奉誠園，事何必身到此，聞令人增蔓草，零烟之感，藉園移我情矣。
寶鼎現

遣懷

壯夫長耻落鬼何事歸來弊褐乘下澤飯牛秋野豪氣
樽前曾似昨酒酣後但摩挲一劍直欲老兵景畧何況
小兒趙括此意不堪牢落手中斜挽雙鬟弱擁頭上
如箕幪帟見狡兔草間突起怒馬山頭方一躍長空外
皂鵬齊發耳後西風颯颯還揮手金樽引滿尋取狗屠
舊約有客吹簫予和以漁陽三拍向秋風彈筑羞整

衝冠素髮念富貴於我浮雲耳及早須行樂縱行樂牽
大東門何若歸耕負郭

宋旣庭曰余最愛辛稼軒永遇樂一詞豪邁不羣有金戈鐵馬之氣嗣部此作可謂一時瑜亮顧梁汾曰橫槊賦詩時早辦取分香賣履只是不甘冷落又歇手不得畢竟倚好住爲佳耳卓火傳曰可以醉擊唾壺其豪宕處古氣錯落全從史遷傳紀中得來

哨遍

簡施愚山

長嘯歸來自愛吾廬無恙蒲菰裏歷崎嶇霜雪滿頭歸
青山笑人還是君不見管寧但存皂帽棄家浮海能逃

世又不見虞翻青蠅作客願得一人知己與子西去躡
崦嵫更南陟匡廬與九嶷彈琴命詩鸞吟猿躍差爲快
意嗟予尚何依江湖淼淼山天際風幕洪崖子有是
夫吾與爾石上據胡床高歌散髮仰天月送飛鴻起是
故態狂奴唾壺欲缺一觴一咏同醉念人生聚散能幾
時復相對啼噓欲何爲但煩寬徒作憂耳芒鞋布襪飄
笠更挂青藤杖遍遊五嶽縱觀滄海畢我生平之志側
身天地竟何之況眼中吾且老矣

王西樵曰失意之言却寫得最得意一悲一笑真堪
破涕柳子厚及唐子畏王穉欽諸書不過強作解免

語耳詎可與藥

園校尋尺哉

曹顧庵曰意法句法揅揚頗挫竟可作一篇古文讀或云其音亢眇殆聚漆也

孫丁焜遠觀光校訂

扶荔詞別錄 小令

仁和丁 澎菡園撰

詞變

自註云詞變者菡園之別譜也按一詞廻環讀之以成他調或因本調而顛倒錯綜焉不書題無可題也非詞之正也故謂之變云爾

赤叢子

變漁父

霜初搗淚雙垂暗傷鸞鏡換粧時長秋閉月花樓小黃葉楓庭空鴈歸

宋荔裳曰芳蘭竟體自然蛾眉

沈繹堂曰興樂天望江南少游搗練子同一樓宛

漁父

回前調

詞變

歸鴈空庭。楓葉黃。小樓花月閉。秋長時。粧換鏡。鸞傷暗。
垂雙淚。棉初霜。

生查子

變太平時

人歸未春殘。送燕雙江淥。覓銷正捲簾。湘雨吹。牕竹。
裙襴試痕多。幾處垂紅玉。君愁欲聞箏。夜盡消銀燭。

太平時

回前調

燭銀消盡。夜箏閒。欲愁君。玉紅垂處。幾多痕。試裙。
竹牕吹雨。湘簾捲。正銷覓淥江。雙燕送殘春。未歸人。

俞夢符曰。碎玉成珠。不費追琢。前調是人歸後情境。
後調是人未歸情境。一詞寫出兩意。如此渾雅尤難。

巴渝辭變本調

舞衫紅映

竹枝

醉顏酡

兒女

鼓櫂女兒

竹枝

教渝歌

兒女

輕紗

浣雨

竹枝

春潮弄

兒女

花桐刺落

竹枝

釵頭鳳

兒女

又迴前調

鳳頭釵落

竹枝

刺桐花

兒女

弄潮春雨

竹枝

浣輕紗

兒女

歌渝

教兒

竹枝

女櫂鼓

兒女

酡顏醉

映竹

紅衫舞

兒女

三臺變本調

春愁去也

誰教

粉袖沾紅淚

綃魂

斷懨懨

醒未

雨寒禁

怕

怕花朝

吳蘭次

日誰教

二字妮妮

即朱淑真有愁天不管也

又
調 廻前

朝花怕禁寒雨。未醒厭厭斷魂。綃淚紅沾袖粉。教誰也
去愁春。

楊柳枝
變阿
那曲

地。翠裙拖綠草。芳行人。賺得印泥香。縷金歌罷紅顏笑。
倚倦屏山春恨長。

周青士曰恍見遊
春冶女芳氣襲人

阿那曲
調 廻前

長恨春山屏倦倚。笑顏紅罷歌金縷。香泥印得賺人行。
芳草綠拖裙翠地。

南鄉子第一體

變竹枝

梧碧吹樓粧。疑移恨上眉頭。心事何如相憶切。愁離別。疎影花簾遮淡月。

姜定庵曰梧碧吹樓四字正抵曾鷗江一夜東風枕邊吹散愁多少

竹枝

調廻前

月淡遞簾花影。疎別離。愁切憶。相如何事。心頭眉上。恨移疑。粧樓吹碧梧。

嚴柱峯曰調協竹枝已極神巧中間剪裁聯綴之妙幾於腕奪化工

風流子

變天仙子

曉鏡妝開紅蓼小鳥弄枝巧笑含桃露裊芳叢夜夜燒
香心悄月柔風香環佩雲歸碧島

朱錫鬯曰當作燒香曲一種悄立
閒庭低徊待曉情景宛然在日

天仙子

迴前調

島碧歸雲佩環香風柔月悄心香燒夜夜叢芳裊露桃
含笑巧枝弄鳥小蓼紅閒妝鏡曉

顧且庵曰結句欲驚真從錦囊中捨取得來
卻樾森曰香翠欲滴

望梅花

變調笑令

懶病簾垂罷捲半過春宵愁短慣與交鶯啼送晚斷夢

幽花落滿徑。遠吹香嬌露。面見燕樓西。婉戀。

張砥中曰。斷夢幽花落滿。并曾覩花底夢回春漠漠。皆是夢醒佳境。

調笑令

通前調

戀婉西樓燕。見面露嬌香。吹去遠。徑滿落花幽夢斷。晚送啼鶯。交喚慣。短愁宵春過半。捲罷垂簾病嬾。

汪朝采曰。慣短愁宵。奇語也。寒月滿牕。竟夜無寐。人如何道得。

胡蝶兒

變醉公子

樓上愁雙燕。柔草萋庭滿。下簾勾倚倦。罷梳頭。早起。弓鞵窄。怯行紅露。稠來朝送夢。隨天遠。空闌寒怕秋。

顏修來日韋莊空有夢相隨奇矣祠
部云來朝送夢隨天遠更出一頭馳

醉公子迴前調

秋怕寒閨空

叶

遠天隨夢送朝來稠露紅行怯窄鞋弓

起早頭梳罷倦倚勾簾下滿庭萋草柔燕雙愁上樓

注念弘日怨而思長有國風畏行多露之旨
曹掌公曰換頭以下自朕古集結二語渾雅工絕

長相思

變迴本調

秋復秋。愁倍愁。爲却多情說盡愁。莫愁休未休。
休未。休愁莫愁。盡說情多却爲愁。倍愁秋復秋。

沈適聲日百轉連環仍歸一串
辛稼軒所云一身都是愁也

卜算子

變減字
木蘭花

低幕捲綃紅。暗月迷香步。偷摘雙釵角枕橫。腕碧纏金縷。
啼鳥喚開簾寂寂。飛香雨。小立牆東去。折花柳色凝烟暮。

韓偓公曰字字香艷真蘭畹花開本色

開槎度曰偷摘二語正溫岐卿所謂釵橫枕膩也

減字木蘭花

回前調

暮烟凝色柳花折。去東牆立。小雨香飛寂寂。簾開喚鳥啼。
縷金纏碧腕橫枕角釵雙摘。偷步香迷月暗紅。綃捲幕低。

謁金門

變好事近

雁無○奈○書○寄○遠○天○愁○倍○望○極○晚○烟○空○翠○黛○雙○鴛○吹○繡○帶○
看○取○燕○頭○釵○在○却○恨○離○愁○莫○解○偷○戀○留○情○深○似○海○飛○
花○和○淚○灑○

好事近

同前調

濕○淚○和○花○飛○海○似○深○情○留○戀○偷○解○莫○愁○離○恨○却○在○釵○頭○
燕○取○看○帶○繡○吹○鴛○雙○黛○翠○空○烟○晚○極○望○倍○愁○天○遠○寄○
書○奈○無○雁○

張洮侯曰換頭暗接愈奇其音抑揚窈渺詞中用吹
看二字轉換叶調可仄可平其見範圍協律之妙

眉峰碧

變玉
聯環

雨夜殘春送斷橋。波影弄時鶯新隊。逐飛花起喚蘭香。
入夢。露多嫌曉動。夜明華月籠低鬟。綠試小釵輕嫵。
眉愁處。閒簫鳳。

尤悔菴曰。蘭香莫愁。以人名入句。轉換無痕至。
斷弦接筍處。天然巧合。殆神女織無縫衣手也。

玉聯環

回前
調

鳳簫閒處。愁眉嫵。輕釵小試綠鬟低。籠月華明。夜動曉。
嫌多露。夢入香蘭喚起。花飛逐隊。新鶯時弄影。波橋。
斷送春殘夜雨。

山花子

變三字令

橫釵玉隊綺羅叢。蘭麝薰殘。試粉融初。聞歌艷入何奈。
墮珠組。魂消欲斷。燕樓空。屏翠分香。鬢影穠留春誰。
倩昏黃月透簾重。

三字令

調回前

重簾透月黃昏倩。誰春留穠影。鬢香分翠屏空。樓燕斷。
欲消魂。紅珠墮。奈何人。艷歌聞初融。粉試殘薰麝蘭。
叢羅綺隊玉釵橫。

李湘北曰流曼之聲節爲促拍
手妍艷何減璇璣圖盤中詩

步蟾宮

變夜行船

曉風簾竹吹烟細。揉酥玉新粧。粉膩鳥愁。花怨怯還扶。
早鳩啼好。天晴未。小鳳留釵。看欲醉。凭欄曲。袖羅輕。
倚掃淡蛾尖。暗消香裊。花飛閣。茵鋪翠。

嚴顯亭曰曉風數語變後調作結韻致倍爲新艷
王伊人曰鳥啼花怨小鳳留釵足令少游心醉

夜行船

回前調

翠鋪茵閣飛花裊。香消暗尖蛾淡掃。倚輕羅。袖曲欄凭。
醉欲看釵留鳳小。未晴天好。啼鳩早。扶還怯。怨花愁。
鳥賦粉粧新玉酥。揉細烟吹竹簾風曉。

南鄉子

變本調

屏鏡卷。鴉綠柳。亭閒在館娃。芳草苑深。明月舊知他。
燕語庭空。弄影斜。筆玉扣窓紗。倚恨憑誰。未破瓜。鬢
彈膩。嬌輕。靨小如花。露吸猩唇。染絳霞。

又

同前調

霞絳染唇。猩吸露。花如小靨。輕嬌膩。顰鬟瓜破。未誰憑。
恨倚窓。扣玉筆。斜影弄空庭。語燕他知。舊月明。深
苑草。芳娃館。在閒亭。智綠鴉。栖卷鏡屏。

毛稚黃曰。此爲懷舊之詞。知他憶之也。誰憑疑之也。只在二字句中。含情無限。可悟傳神之妙。

終梅岑日詞中如芳草苑深麋鹿舊吸露花如小壓
輕等句色葩味雋頓令李賀庭筠歛手失色

歸國遙變霜天
曉角

碧雲暮遠天楓赤吹寒雨帽落白衣人醉笑客嘲能賦
逸趣攄來誰與挹香迷霧取間隔溪芳樹野色秋盈
路卓丹厓日渾淨
孤蒼詞家健手

霜天曉角
題前

路盈秋色野樹芳溪隔問取霧迷香挹與誰來攄趣

逸賦能嘲客笑醉人衣白落帽雨寒吹赤楓山遠暮雲

碧弟素涵日雨吹帽赤用
古事入新裁倍增雅韻

四犯令

變滴金

客醉調箏。哀白髮。催歌新按拍。折花將勸雙樽。月江楓。
映花溪隔。碧水秋聲。霜瀝浙空庭。閒落葉。密烟寒繞。
青山寂。船歸處。啼鴉夕。

滴滴金

調前

夕鴉啼處。歸船寂。山青遠。寒烟密。葉落閒庭空。浙瀝霜。
聲秋水碧。隔溪花映楓。江月樽雙勸。將花折。拍按新。
歌催髮白。哀箏調。醉客。

彭爰琴曰。杼寫湖折。似一幅秋林晚眺圖。
吳慶伯曰。意爲法老過真辛陸手筆。

西江月

變本調

枕角春留。有信生香。峭勁浮霞晚晴。初見影。隱紗裊裊。
低枝雪。掭冷月啼鳥。半夜明燈怯對寒花。梅亭闌鎖。
凍雲斜似玉。妝成淡雅。

又
調前

雅淡成妝。玉似斜雲。凍鎖闌亭。梅花寒對怯。燈明夜半。
烏啼月冷。掭雪枝低裊裊。紗窓影見初晴。晚霞潯動。
暗香生信。有留春角枕。

沈其杓曰。贊方回玉人和月折梅花。正似此詞幽致。
邵二峯曰。字字穩貼。和靖暗香疎影。不得擅美。

詞變

瑞鷓鴣變木蘭花令

老却人閒花夢殘。枝高惜鳥倦知還。巧竹湘屏雲弄影。
小桃春帳玉生寒。少年遊泛芳樽。綠酣興詩吟苦鬢。
斑。斑。斑。連水溪青山裏。屋道安長住不開關。

木蘭花令

迴前調

關。關。不住長安道。屋裏山青溪水遶。斑。斑。鬢苦吟詩興酣。
綠樽芳泛遊年少。寒生月帳春桃小。影。弄。雲。屏。湘。竹。
巧。還。知。倦。鳥。惜。高。枝。殘。夢。花。閒。人。却。老。

許酉山曰先生閒情逸致不減樂天後身此詞固自
作一醉吟傳也○前調用釋道安事作結何其巧妙